

geschriben czwein jaren alzo vil von den 15 goldin phlegen von czhehen goldin einen alzo lang, alze yn der uff beyde syten behaget. Daz hat Hanns Muldaw uns dem rathe czu der stat hant uffgelazen czu vormundeschaft sines bruder egnant czu eynen willigen phande eynen garten, gelegen an dem Hoffegarten, yn dem werdecht vor dem Trengtor, und eyn stucke ackerz, gelegen kegen<sup>b)</sup> der Plauwnicz wert neste des Ditmarz Kindes acker. Alzo ab Hans Muldaw vorarmte, daz Got lange wende, adir den garten unde acker vorkouffen wolde, czu dem gute sol Nickel, sin bruder, mit den 15 golden und dem czinsze, ab er daz yn den czwein jaren nicht ablöste, der erste vor allen schuldigen sin, von des wegen daz iczunt uff dem gute von schulde wegen nictes hat. Actum anno undecimo sabbato post corporis Cristi.

a) alles durchgestrichen b) am linken Rand ergänzt

## 239.

1411 --

### ***Nennung von Bürgermeister und Rat.***

fol. 35v Acta de anno domini millesimo CCCC undecimo coram rectore consulum Conrad Bernhardi et suos consides Heinrich Kaldenkoch, Johannes Stechaw, Johann Horleman, Petrum Korber, Franczen Troutwin, Mattes Murbyr, Hermann Marquard, Claus Salvelt, Hanszen Jacob, Nickel Sturm, Conrad Ploner juratis.

## 240.

1411 Dezember 10

### ***Hans Koltscher verpfändet einen Garten und einen Acker.***

fol. 35v <sup>(a)</sup>Wisset daz vor uns komen ist in unsern vollen sitzenden rath Hans Koltscher und hat mit gutem willen uff gelaszen Mattes Murbij czu getruwer hant von Nickel Gernolden wegen von Richenbach czu eynen willigen phande ein garten und eynen acker, gelegen by Osterwain, vor 8 ß nuwer gr, den wir dem gnanten Mattis gelihen haben, alze oben geschr(ieben) stet. Geschen am donnerstage noch conceptionis Marie anno quo supra.

a) alles durchgestrichen